

Hoffe uf di warmi Zyt!

f', d', (B-Dur) n. Bel. Duett

Im Äpli, a der Sunnesyte, dert
fat jitz grad der Blüejet a. Ha
geng chly ghoftt är chömm
bizyte, jitz isch är äntli, äntli da!
Ha geng chly ghoftt är chömm
bizyte, jitz isch är äntli, äntli da!

Oh ja, i möchte no Mal i
d'Höchi, es chönnt für mi nüt
schöners gee! I möchte no Mal
ganz us der Nöchi i all di
Bluemeöigli gseh! I möchte no
Mal ganz us der Nöchi i all di
Bluemeöigli gseh!

Das Bild u all di Wunderfarbe,
di nimm i de i Winter mit. Es
geit me de chly ringer z'darbe u
z'hoffe uf di warmi Zyt! Es geit
me de chly ringer z'darbe u
z'hoffe uf di warmi Zyt!